



RESOLUCIÓN REITORAL DE 20 DE ABRIL DE 2015 POLA QUE SE CONVOCAN BOLSAS DE DESPLAZAMENTO DE MÁSTERS UNIVERSITARIOS OFICIAIS PARA O CURSO 2014/2015

Sumándose ás iniciativas estatais e autonómica, a Universidade de Vigo consciente da importancia de ter en conta a diversidade dos estudos de Máster estima necesario dispor dunha convocatoria de bolsas en estudos oficiais de Máster universitario con cargo as aplicacións orzamentarias dos másters, descentralizadas nos centros e reflectidas no orzamento da Universidade.

Polo tanto, **ESTA REITORÍA**

en virtude das facultades que lle outorga a Lei Orgánica 6/2001, de 21 de decembro, modificada pola Lei 4/2007, de 12 de abril, de Universidades, e o Decreto 7/2010, do 14 de xaneiro, polo que se aprobaron os Estatutos desta Universidade,

RESOLVE convocar:

1. Bolsas de desprazamento para o alumnado matriculado nos másters universitarios oficiais co obxecto da realización de actividades propias do máster a desenvolver nun lugar diferente ao da sede do máster. e que non dispoña doutro tipo de axuda, bolsa ou contrato con entidades públicas ou privadas para a mesma finalidade.
2. A presente resolución, xunto coas bases que a regulan e que figuran no Anexo I, serán expostas no taboleiro de anuncios da Reitoría, dos Centros da Universidade de Vigo e na páxina web da Universidade de Vigo.
3. As bolsas convocadas por cada máster, reflíctense na seguinte táboa, e o pagamento destas farase con cargo ás seguintes aplicacións orzamentarias,

MÁSTER	Nº DE BOLSAS	DOTACIÓN	APLICACIÓN PRESUPUESTARIA
Contaminación Industrial: Avaliación, Prevención e Control	2	500 €	0006 111LP54 482.25
Estudos Ingleses Avanzados e as súas Aplicacións	1	1.000 €	0005 111LP39 482.25
Procesos de Deseño e Fabricación Mecánica	2	500 €	0006 111LP13 482.25
Valoración, Xestión e Protección do Patrimonio Cultural	1	1.600 €	0016 111LP70 482.99
Oceanografía	8	250 €	0003 111LP78 482.25

4.-Calendario.

PROCEDEMENTO	PRAZO	RESPONSABLE	LUGAR DE PRESENTACIÓN OU PUBLICACIÓN
<i>Presentación de solicitudes</i>	21 abril ao 11 de maio de 2015	Alumno/a Interesado	Centro de adscripción Rexistro
<i>Resolución provisional admitidos/excluídos</i>	Antes do 15 de maio de 2015	Sección de Bolsas,	Sección de Bolsas, Secretaría de Centros, Web UVigo.
<i>Alegacións</i>	Do 18 ao 20 de maio de 2015	Alumno/a interesado/a	Rexistro
<i>Resolución definitiva admitidos/excluídos</i>	22 de maio de 2015	Sección de Bolsas, cos Acordos das Comisión Académica dos <i>Másters</i>	Sección de Bolsas , Secretaría de Centros, Web UVigo.
<i>Resolución provisional de concedidos, listaxe de agarda e denegados</i>	Antes do 27 de maio de 2015	Sección de Bolsas, cos Acordos das Comisión Académica dos <i>Másters</i>	Sección de Bolsas , Secretaría de Centros, Web UVigo.
<i>Alegacións</i>	28 ao 2 de xuño de 2015	Alumno/a interesado/a	Rexistro
<i>Resolución definitiva de concedidos, listaxe de agarda e denegados</i>	5 de xuño de 2015	Sección de Bolsas, cos Acordos das Comisión Académica dos <i>Másters</i>	Sección de Bolsas , Secretaría de Centros, Web UVigo.

Contra esta Resolución, que esgota a vía administrativa, poderá interpoñerse recurso perante a xurisdicción contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998, do 13 de xullo, reguladora da Xurisdicción Contencioso-Administrativa*.

Así e todo, as persoas interesadas poderán optar por interpor contra esta resolución **Recurso de Reposición**, no prazo dun mes contado a partir do día seguinte á publicación da presente resolución, perante o mesmo órgano que a ditou; neste caso non caberá interpor o recurso contencioso-administrativo antes citado, namentres non recaia resolución expresa ou presunta do recurso de reposición de acordo co disposto na *Lei 4/99, do 13 de xaneiro, modificadora da Lei 30/1992, do 26 de novembro, de Réxime Xurídico das Administracións e do Procedemento Administrativo Común*

Vigo, a 20 de abril de 2015

O REITOR,



Salustiano Mato de la Iglesia

DILIXENCIA para facer constar que esta Resolución se publica nesta data no taboleiro de anuncios da Reitoría
Vigo, 20 de abril de 2015
O xefe de área de Bolsas

Francisco Navaza Dafonte

ANEXO I

BASES QUE REGULAN A CONVOCATORIA DE BOLSAS DE DESPRAZAMENTO AOS ESTUDOS DE MÁSTER OFICIAIS DA UNIVERSIDADE DE VIGO CURSO 2014-2015

1.- REQUISITOS DOS/AS SOLICITANTES

Poderá participar na presente convocatoria o alumnado, que estea matriculado nun Máster Oficial no curso 2014/15 a tempo completo, de acordo co correspondente plan de estudos (mínimo de 60 créditos ECTS ou de ser o caso, aqueles que lle resten para rematar o Máster). Os créditos recoñecidos non se terán en conta para este cómputo. Non terán dereito a esta bolsa os alumnos que xa estean en posesión dun título de máster.

No caso de alumnos matriculados en continuación de estudos, deberán ter superados a totalidade dos créditos matriculados no ano 2013/2014.

2.- PRAZO E PRESENTACIÓN DE SOLICITUDES

O impreso de solicitude que debe ser cuberto polas persoas solicitantes figura na páxina web da Universidade a través da Secretaría Virtual (<http://seix.uvigo.es>). **As solicitudes serán presentadas nos prazos marcados no apartado 4 da Resolución Reitoral.** A solicitude pode ser entregada nos rexistros dos Campus de Ourense, Pontevedra e Vigo, ou nos lugares indicados no apartado 4 do artigo 38 da Lei 30/92, que as enviarán á Sección de Bolsas.

3.- DOCUMENTOS

- Extracto do expediente académico dos últimos estudos universitarios realizados de non estar xa a disposición da Secretaría de alumnos do centro de adscrición do máster. Certificación académica detallada dos estudos que deron acceso aos estudos de máster na que figuren as cualificacións obtidas, as súas datas de obtención e o número exacto de convocatorias investidas en cada materia (orixinal ou fotocopia compulsada).

No caso de estudos validados, deberá presentarse tamén a certificación académica, de idénticas características, para os estudos de orixe.

Os/as alumnos/as que acceden ao 2º ciclo dunha licenciatura a través do correspondente curso de complementos de formación, por estar en posesión dun título de diplomado ou diplomada ou por ter realizado o 1º ciclo dalgunha titulación que permita o acceso ao 2º ciclo, para efectos de determinar a media do expediente académico, deberán achegar ademais da certificación correspondente ao curso de complementos de formación e a do segundo ciclo, a referente á diplomatura ou aos estudos de 1º ciclo realizados.

Os títulos obtidos no estranxeiro ou en centros non estatais deberán achegar, se é o caso, as oportunas táboas de equivalencias oficiais das cualificacións.

- Curriculum Vitae
- Para os solicitantes estranxeiros (apartado 4.1), dúas cartas de presentación, preferentemente de docentes ou de persoas con quen o/a solicitante houbera tido algunha relación académica ou laboral.
- No caso de ter concedida calquera tipo de bolsas ou axuda, convocada por Entidades ou Fundacións públicas e privadas deberá de achegar copia da credencial de concesión.

4.- SELECCIÓN E RESOLUCIÓN

A Sección de Bolsas, unha vez recibidas as solicitudes, comprobará que cumpren os requisitos básicos da convocatoria, e publicará unha listaxe de admitidos/as e excluídos/as provisionais, indicando os motivos de exclusión e dándolles un prazo de 3 días hábiles para emendar os erros e achegar a documentación necesaria, a partir do día seguinte da publicación da listaxe na web <http://www.uvigo.es> no apartado Axudas Outras bolsas e nos rexistros xeral e auxiliares da Universidade de Vigo.

Dita documentación presentárase nos rexistros xeral ou auxiliares da Universidade de Vigo ou nos lugares indicados no apartado 4 do artigo 38 da Lei 30/92, do 26 de novembro de Réxime xurídico das administracións públicas e do procedemento administrativo común, dirixidas á Sección de Bolsas.

Unha vez emendados os erros, a Sección de Bolsas, elaborará e publicará unha listaxe de admitidos/as e excluídos/as definitivas, achegando as solicitudes admitidas así coma a documentación, a través do correo electrónico ás Comisións Académicas do Máster.

A Comisión Académica de cada Máster procederá á valoración e priorización das solicitudes presentadas segundo os criterios de valoración.

Os criterios de valoración:

- A nota media simple do expediente académico dos últimos estudos universitarios realizados calcularase segundo o disposto na Resolución da Consellería de Educación e Ordenación Universitaria do 15 de setembro de 2011, DOG do 30 de setembro. No caso de titulacións de segundo ciclo, barémense os expedientes tomando a nota media do primeiro ciclo para ese ciclo e a media do segundo ciclo para ese ciclo.
- En caso de empate, terase en conta: 1º media do expediente académico, 2º menor número de suspensos, 3º maior número de matrículas de honra.
- As persoas solicitantes serán ordenadas priorizando o mellor expediente.

As bolsas asignaranse a aqueles candidatos e candidatas que obteñan as maiores puntuacións.

As Comisións Académicas remitirán á Sección de Bolsas, os acordos nos que se valoran aos candidatos, e as solicitudes denegadas, indicando as causas de denegación, coa puntuación obtida en cada caso. (modelo no Anexo II)

A partir destes acordos, en función do orzamento de cada programa, a Sección de Bolsas establecerá a resolución provisional de adxudicación das bolsas e máis a lista de agarda, así como as solicitudes denegadas indicando os motivos da denegación.

Contra a resolución provisional, poderán os interesados, presentar alegacións no prazo de 3 días hábiles, contados a partir do día seguinte da publicación. Dita documentación presentárase nos rexistros xeral ou auxiliares da Universidade de Vigo ou nos lugares indicados no apartado 4 do artigo 38 da Lei 30/92, do 26 de novembro de Réxime xurídico das administracións públicas e do procedemento administrativo común.

Unha vez revisadas as alegacións por parte da Comisión Académica, esta achegará o acordo definitivo á Sección de Bolsas.

A adxudicación da bolsa farase por Resolución Reitoral, no prazo máximo de 3 meses a contar desde o día seguinte do remate da presentación de solicitudes, que incluírá os/as bolseiros/as, as listaxes de agarda en cada caso, e as solicitudes denegadas facendo constar a causa de denegación.

Toda a documentación relativa a estas bolsas deberá ser remitida por parte das comisións académicas dos máster, á Sección de Bolsas para continuar o procedemento de concesión, e o seu arquivo definitivo.

5.- CONTÍA E PROCEDEMENTO DE PAGO

A contía da bolsa será establecida na Resolución Reitoral para cada Máster.

A bolsa aboarase, de terse realizado o desprazamento en un só pago despois de que o Coordinador do Máster certifique a realización efectiva da mobilidade. De non terse realizado aínda o desprazamento no momento da concesión o pago farase en dous pagamentos, a razón de:

- 1) 50 % da axuda con carácter previo ao desprazamento e en ningún caso antes de 1 mes da data prevista para o mesmo.
- 2) 50 % da axuda ao regreso da actividade académica que precisou a mobilidade e despois de presentar o correspondente certificado do Coordinador do Máster da realización efectiva da mobilidade.

6- OBRIGAS

As persoas beneficiarias das bolsas están obrigadas a:

- a) Ter pagada na súa totalidade a matrícula ou de ser o caso, se o alumno optou polo fraccionamento dos pagamentos de matrícula, ter pagados os importes parciais emitidos ata a data de resolución.
- b) Destinar a axuda á finalidade para a que foi concedida.
- c) Seguir con normalidade a actividade académica do Máster.
- d) Comunicar á Universidade a obtención de calquera tipo de bolsa ou axuda. A comunicación farase mediante escrito dirixido á secretaría de alumnos do centro de adscrición, para o seu envío á Sección de Bolsas, ou por correo electrónico a negociadodeinformacionbolsas@uvigo.es.
- e) Xustificar a participación na actividade subvencionada segundo o procedemento que a Universidade estableza.

7.- RENUNCIA

A renuncia ao disfrute da bolsa deberá ser comunicada por escrito á Sección de Bolsas, e dará lugar ao reintegro das cantidades aboadas no caso de telas realizadas.

Unha vez comunicada a renuncia antes do 30 de xuño de 2015, a bolsa sera asignada ao primeiro/a candidato/a da lista de agarda..

8.- REVOCACIÓN

O incumprimento total ou parcial de calquera das condicións e das obrigas establecidas na presente convocatoria será causa determinante de revogación da axuda e do reintegro por parte da persoa beneficiaria, no seu caso, das cantidades indebidamente percibidas.

9.- INCOMPATIBILIDADES

As bolsas serán incompatibles con calquera outra bolsa, axuda ou contrato concedidas por calquera institución pública ou privada para a mesma finalidade.

ANEXO II

ACORDO DA COMISIÓN ACADÉMICA

BOLSA DE AXUDA AOS CUSTOS DE DESPRAZAMENTO PARA A PARTICIPACIÓN EN ACTIVIDADES ORGANIZADAS EN INSTALACIÓNS ALLEAS Á U.VIGO

A comisión académica do máster universitario _____ reunida con data _____, tendo en conta a Resolución Reitoral de 17 de abril de 2015 pola que se convocan bolsas en másters universitarios durante o curso 2014/2015, revisadas e avaliadas as solicitudes presentadas polo alumnado, ACORDA propor o seguinte listado provisional/definitivo de beneficiarios/as:

- Proposta de beneficiarios/as:

Apelidos e nome _____ puntuación _____

- Lista de agarda

Apelidos e nome _____ puntuación _____

• Listado de denegados/as	Causas de denegación
---------------------------	----------------------

Vigo _____ de _____ de 20...

XEFA DA SECCIÓN DE BOLSAS. REITORÍA.